

# BOSANSKOHERCEGOVAČKI FILMSKI FESTIVAL (BHFF) U NEW YORK-U ULAZI U ŠESTU GODINU POSTOJANJA!

**K**ao relativno mali filmski festival u velikom gradu kao što je New York, BHFF je postao jedinstven događaj u promoviranju bosanskohercegovačkog filma i kulture. Organiziran na neprofitnim principima, BHFF (<http://www.bhffnyc.org/>) je uspio održati svoju samostalnost oslanjajući se na jedno stavnu ideju: ponuditi kvalitetna filmska djela iz Bosne i Hercegovine, te približiti bosansku kulturu uopće široj javnosti. Svake godine BHFF je dobro posjećen, popularan i hvaljen događaj, jedinstven u svom obliku u Sjedinjenim Američkim Državama. On je čak postao model za neke druge organizacije koje su, slijedeći njegov primjer, pokrenule svoje tematske filmske festivale, kao što je Festival BH Filma u Chicagu i Hrvatski Filmski Festival u New


Yorku, koji ulaze u svoje druge godine postojanja.

Organizirati filmski festival je težak i skup zadatak, naročito u milionskom gradu kao što je New York. BHFF se finansira isključivo od prodaje ulaznica i povremenih privatnih donacija. BHFF do sada nije finansijski podržan ni od jedne vlade niti mu je dodijeljen ije dan grant u posljednjih šest godina, ali i pored toga još uvijek postoji zahvaljujući naporima svoga tima i svojih volontera, kao i povremenih donacija ljubitelja

filma. BHFF tim je gotovo isključivo sastavljen od ljudi bosanskohercegovačkog porijekla, dok je sam projekat pod institucionalnim pokroviteljstvom dviju neprofitnih nevladinih organizacija – Glasa Bosne i Hercegovine (<http://www.voiceofbh.org/>) i Akademije Bosne i Hercegovine (<http://www.academybh.org/>) u New Yorku.

## HISTORIJAT BHFF-A

Ideja za organiziranje BHFF nastala je 2002. godine među filmskim entuzijastima iz bosanskohercegovačkih zajednica u San Franciscu i New Yorku, a inspirirana je doprinosom preminulog Benjamina Filipovića. Prvi BHFF organizirao je u oktobru 2003. godine Radio Glas Bosne i Hercegovine zajedno sa



pojedincima iz njujorške BH zajednice, a u svom drugom izdanju, u maju 2005. godine, BHFF je postao koprodukcija Radio Glasa Bosne i Hercegovine i Akademije Bosne i Hercegovine. Od tada BHFF postaje tradicionalna manifestacija koja se održava svake godine u maju.

### MJESTO ODRŽAVANJA

Prvi BHFF je održan u Two Boots Pioneer Theatre u East Village, jednom od kulturnih centara Manhattana. BHFF se potom preselio u veći prostor u Anthology Film Archives, poznatijem kao međunarodni centar za očuvanje, proučavanje i prikazivanje filmskih i video zapisa. U 2007. godini, BHFF se ponovo preselio u Tribeca Cinemas, glavnog godišnjeg domaćina Tribeca Film Festivala, gdje se i danas prikazuje.

### GOSTI

Počasni gosti BHFF-a u proteklih godinama su bili direktor Sarajevo Film Festivala Mirsad Purivatra, izvršni direktor SFF-a Emina Ganić, glumci Snežana Bogdanović i Uliks Fehmiu, režiseri Benjamin Filipović, Džemal Šabić, Sabina Vajrača, Alison



Hanson i Gates Gooding, umjetnici Aida Šehović, Nebojša Šerić Shoba i Sara Terry te bivši ambasador Bosne i Hercegovine pri Ujedinjenim nacijama, dr. Mirza Kušljugić.

### PUBLIKA

Bosanskohercegovačka zajednica postoji u Sjedinjenim Američkim Državama već više od stotinu godina, a najnoviji val BiH iseljenika stigao je tokom devedesetih godina. Prema različitim nezvaničnim procjenama u SAD živi od 250.000 do 350.000 ljudi bosanskohercegovačkog porijekla. U zadnjem valu BiH iseljenika te u prvim godinama tog doseljeničkog vala na američko tlo, BH zajednica je bila preokupirana stvaranjem i očuvanjem svoje materijalne egzistencije u SAD.

Nakon što je svoje osnovne životne potrebe relativno podmirila, BH zajednica danas ima potrebu za umjetničkim i kulturnim sadržajem, kao i za događajima koji podmiruju te potrebe i koji stvaraju i održavaju vezu između BiH i SAD. BHFF u New Yorku je rijedak takav događaj, cijenjen i hvaljen po izboru filmova

i kulturnom programu koji nudi. BHFF omogućava okupljanje ne samo BiH i drugih balkanskih zajednica u Americi, već okuplja i širu njujoršku i američku publiku koju čine više od polovine ukupne publike BHFF-a, kao i filmske entuzijaste iz cijelog svijeta.

### NAGRADE

Svake godine, BHFF publika glasa za najbolja filmska ostvarenja prikazana na BHFF, na osnovu čega BHFF dodjeljuje godišnje BHFF nagrade publike, Zlatne jabuke. BHFF dodjeljuje nagradu publike za najbolji kratki ili igrani film i nagradu publike za najbolji dokumentarni film. Zlatne jabuke BHFF-a su umjetničko djelo priznate bosansko-američke umjetnice Aide Šehović.

**ORGANIZATORI**

Festival organiziraju dvije neprofitne organizacije: Glas Bosne i Hercegovine i Akademija Bosne i Hercegovine u New Yorku.

Radio Glas Bosne i Hercegovine je neprofitna organizacija posvećena očuvanju i jačanju svijesti o bosanskohercegovačkoj kulturi u New York-u i šire. Radio Glas Bosne i Hercegovine emituje sedmični radio program na bosanskom jeziku, a istovremeno je i organizator mnogobrojnih kulturno-društvenih manifestacija za imigrante iz Bosne i Hercegovine.

Akademija Bosne i Hercegovine je neprofitna organizacija sa sjedištem u New Yorku, koja ima za cilj povezivanje mladih iz Bosne i Hercegovine koji žive na prostorima Sjedinjenih Američkih Država i širom svijeta, unutar svojih profesionalnih interesa. Akademija pruža platformu svojim članovima za vodstvo i implementaciju kulturno-umjetničkih i edukativnih programa u svrhu prezentiranja dostignuća dijaspore, te ostvarivanja čvrstih veza sa Bosnom i Hercegovinom.

**VOLONTER**

Od svog osnivanja na organizaciji BHFF-a rade isključivo volonteri, od kojih su mnogi mladi stručnjaci sa posebnim poslovima u oblastima financija, međunarodnih odnosa, arhitekture, školstva, prava, marketinga i odnosa s javnošću. BHFF svake godine privlači sve više pažnje javnosti, a festival je uvijek otvoren za sve filmske entuzijaste koji su spremni da doprinesu uspješnoj realizaciji festivala. Do sada su bili ili su još uvijek aktivno uključeni u organizaciju BHFF:

**BHFF 2009 TIM:**

Almir Lučević, Amelisa Đulović, Amir Husak, Amra Turalić, Damir Pozderac, dr. Džemaludin Harba, Edita Zulić, Ihan Ramić, Leila Rachidi, Masa Čampara, Selma Avdičević.

**BHFF D ZAJN NAGRADE:**

Aida Šehović

**BHFF ASISTENTI:**

Alma Osmanović, Alma Subašić, Ajla Cico, Anela Pašović, Angela Mazer, Amela Bakšić, Belma Kokić, Borko Amulić, Elvir Mujanović, Emir Bander, Irena Bruza, Jeong Eun Kim, Melisa Zukić, Mirza Kokić, Muamer Mrkanović.

**POSEBNA ZAHVALNOST:**

Amel, Amer i Alma Mujezinović, Alison Hanson, Gates Gooding, Goran Avdičević, Nedžad Begić, Rašid Nuhanović, Sabina Vajrača, Zlata Filipović, Tribeca Cinema timu, Anthology Film Archives timu i mnogim drugima.

